

www.BibleForChildren.org

San Mateo 8



Beyonna ubisa nna uca ttu laní betsá ná ca benni
Ihe'esi lána Caná. Unnuha nna rena lo yu gue Galilea.
Níaguaba du nan gue Jesús. Uxiguacana Jesús tsie
atta utsá nácaniha lenie ca bi'ini rudheti ca tisa rule'e.



Atti chi bebisi vinuha nna unnetteba nan gue Jesús
rábi: —Lárga birua vinu te gue ca unní. Nan gue
Benniha nna ráttebabi ca nu bese'e aca mandadu gue
laníha: —iGualuni iyába nu inná Ben-ni!



Jesús re ca benni bese'e aca mandadu
gue laniha: —Gualodisá ca re'e-na inda.
Lacana nna bodisá ttittican ca nua inda.
Jesús redee cana: —Nnanna nna gualcua
saro'o gualsagüe nu anca sola-na.
Lacana nna aníaba bencana.



Solaha nna bennixxittebana inda beaca vinuha, ttiaca
ni lä yuna ga guaxxí ca unnuha vinuha. Suntterba ca
benni bese'e aca mandadu
gue laníha yucana, cumu
laxacana uta'acana inda
lhe'e ca re'eha. Larcala
nna uxitteba solaha
unbiyuu rutsá nániha.



Nianna rána unnuha: —Iyába ca benni runi loesi laní-ni
nna de'axa vinu anca tseeruha rudácana. Dequide liba
chi belin ca nu dia laníha
u'uyacana vinu, lania liba
rudácana vinu bittu tte
anca tseeha. Ttiaca lu
nna nnanna liba chi
rudábalu vinu tsee.





Unníba primer milagru beni Jesús Ihe'esi Caná nu
re lo yu gue Galilea. Anía liba nna
bele'e loe anque benni ra
xxeni leni. Ca bi'ini rudheti
ca tisa rule'e nna güia
lecabi gueue.




Jesús güiattebe Ihe'e yo'o gue Pedro.
Nía bilánie nan gue nuila gue Pedro
tebi lo ta'a yu'ubi xilhá.



Lee nna utanattebe ná bi'iniha. Xilháha nna
beríatsebana latibi. Bi'iniha nna guadhattebabi,
betebi nu go Benniha.



Atti chi dia raca ela, dequide chi goadi tatubisa-na,
uchetteba ca benni ca nu rani lhe ca nu yu'u be xxegüi
lhe'e cuerpu guecani lhe
lo Jesús. Iyába ca
benni se'e lhe'e yiesiha
güiacana bitupacana
ro'o yo'o atta do
Benniha.



Jesús nna beonttebe ixeru ca benni rani ca nu ixeloba isagüe rdacacana, bebee ixeru ca be xxegüi yu'u lhe'e cuerpu guecani lhe. Lee nna tsa läga begüeelhe ca be xxegüiha innecana cumu guayúba ca nua nuxa anca Benniha.




Iyába ca benni runcana duelha canacana ro'o xo
Jesús, cumu leni elha ra xxeni lee gueue reonie iyába
ca nu raniha.



Nianna bisíntteba ttapa ca unbiyuu nojacana ttu benni xua lo ttu breta daa yatti ni'a náni.



Ttiaca cumu de se'exxatta benni nía,
nuarca bittu uca isíncana axta atta du
Jesús. Laniala nna gopicana güetsaa qui
uca udhaliana iqui yo'oha lhixxachiga daca
atta du Benniha. Lhe'e belea bedocanaha
nna ulhidattebacana
nu rani xua lo
bretaha.




Atti biláni Jesús gua riaba le ca unnuha guadábe
eyonie nua, laniála re nu daa
yatti ni'a nániha: —Xi'into,
chiba uxía elha xen lasi
gue ca tulha guelha.
—Lu rulisa, guadha
nna bodaxxutte
breta xualu loen-na,
beyyatte lhe'e
yo'o gueluha.



Laniala nna uta'a Jesús Ihe'e barcoha. Ca bi'ini rudheti
ca tisa rule'e nna diaguabacabi len
Benniha. Ttiaca tturba biríaru
ttu iyya be idí uyu'una lo
indattooha. Indattooha
nna udulítteba loni,
tsaba chi ruttona iqui
barcoha, ttiaca Jesús
tebe ti'edhie.



Jesús becabie re: —¿Biaca rasixxattinle? ¿Si itú
ttuaba bittu chi ria tsitsi lele neti? Laniala
guadhattebe bedhaca dise beha lhe indattooha lhe.
Nianna siba beacatteba lo indattooha. Ca
bi'iniha nna rebantsitsiabaquinbi
rácabi: —¿Nú benni bi'ini du-ni?
Nuarca axtaba be-na
lhe indattoo-na lhe
rudocana tisa guee.



Tata Do
Iyyabaaha nna
raca juisianie gue ca benni, denuala
nna udhelhe yies lo yu-ni neti Xi'inie
Benni tturba donie, qui anáchu nna
iyába ca benni tsia lecani neti nna
bittu tsia nitticana, sinuqui gatta
elha nabani guecani ttu dia
liiba iyyabaaha.



Romanos 3:23 cumu iyába benni ancacana nu chi beni nu lä anca tsee. Larcala nna bittubi elha ralhari edí baari xieni ga' ana tsee gue Tata Do Iyyabaaha.

Romanos 6:23 Cumu elhuttiba chee ca tulha runri-na gueri, ttiaca nu tsee redá lee Tata Do Iyyabaaha rute cuentaba len ri' i nna ancana elha nabani gatta ttu dia lii gueri de chi ancari gue Jesucristu Benni bananie ri.

Hebreos 9:27 Attiguaba chi ga' ana sateri ri' i ca benni se' e yies lo yu-ni, suna ttu libeba gattiri, lenla nna daa uni Tata Do Iyyabaaha elha uxtisi gueri,

Efesios 2:8,9 Larcala nna de guatúarba le Tata Do Iyyabaaha le nuarca bodile le qui bittu tsia nittile, atti güia lele Ben-na. Läga lebi' i beni ttu bixa nu tsee qui lhále, Tata Do Iyyabaahaba dedaa lee bodile le cuentaba. Läga de runri nu anca tsee rodilá Ben-na ri, qui bittu unle ttaba innále dequi de runbari nu anca tsee nuarca rodilá Ben-na ri.



Romanos 10:9,10 Gansi lu dhi ro'olu innelu innálu Jesús anque Benni bananie lu, tsia lelu itú iqui itú lelu Tata Do Iyyabaaha belhidhe Benniha Ihe'e baa atta yu'u ca nu yatti-na, lania nna gualábalu. Cumu len lastoori ria leri Tata Do Iyyabaaha, qui runie ri benni bitturu tulha guenite, len ro'ori nna riria tisa rixxi'ari ri'i nna ria leri Jesucristuha. Aníaliba nna odile ri.

San Juan 3:16,17 'Tata Do Iyyabaaha nna raca juisianie que ca benni, denuala nna udhelhe yies lo yu-ni neti Xi'inie Benni tturba donie, qui anáchu nna iyába ca benni tsia lecani neti nna bittu tsia nitticana, sinuqui gatta elha nabani guecani ttu dia liiba iyyabaaha. Cumu Tata Do Iyyabaaha nna läga udhelha Benniha neti Xi'inie-ni qui unia tsia nitti ca benni se'e yies lo yu-ni, udhelhabe neti qui odiláya cana.



1 Juan 5:11-13 Ca tisa-ni benniha rixxi' a Tata Do Iyyabaaha: Lee nna chi bete elha nabani gatta ttu dia lii gueri. Elha nabaniha nua utee Xi' ini Benniha len ri' i. Benni du Xi' ini Tata Do Iyyabaaha len lana, gua teba elha nabani gatta ttu dia lii gueni. Nu bittuba duna len Ben-na, lägabi elha nabani gatta ttu dia lii te gueni. Runia iyonna lo sitsi-ni guele lebi' i ca benni ria lele Xi' ini Tata Do Iyyabaaha qui chi yule gua teba elha nabani gatta ttu dia lii guele, [qui anáchu tsiaru lele Xi' ini Tata Do Iyyabaaha.]



San Mateo 8-9; San Marcos 1-2, 4;
San Lucas 4, 8; San Juan 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Zapotex Aloapam NT (zaq) © 2021, Wycliffe Bible
Translators, Inc. All rights reserved.

<https://www.bible.com/en-GB/bible/2820/MAT.1>

©2026 Bible for Children, Inc.

www.M1914.org

www.bibleforchildren.org

